

Respondetur: distinctio illa termini *a quo* et termini *ad quem* in victimam ita, ut dicitur in obiectione, tunc solummodo locum habet, quando actio sacrificia versatur circa victimam in termino *a quo*, et per aliquam mutationem inducit formalem statum victimae in termino *ad quem*; puta quando immolabatur agnus, vel quando Christus sese sacrificabat in morte crucis. At in sacrificio Eucharistiae praesupponitur quidem Christus in modo existendi conaturali, non tamen actio sacrificia circa Christum versatur, formaliter ut praeeexistit in propria specie; neque enim aliquid efficit in corpore Christi, ut est in coelo, neque est *adductio* Christi de coelo; sed actio sacrificia ipsa aequivalenter producit seu per transubstantiationem panis et vini praesens sistit corpus et praesentem sanguinem sub speciebus panis ac vini in formalis statu victimae. Unde si quaeratur *terminus a quo*, circa quem actio sacrificia hic versetur, is non est res offerenda, sed est substantia panis et vini, quae desinit non tamquam res offerenda et oblata sacrificio, sed ut corpus et sanguis Christi in formalis statu victimae et proinde tamquam res oblata sacrificio producatur. Corpus autem Christi in propria specie praesupponitur quidem tamquam corpus quod offerendum est, non tamen proprio sensu potest dici victimam in termino *a quo*, quia circa illud, quatenus existit in propria specie, nulla actio sacrificia versatur. Illam tantummodo praesuppositionem corporis Christi Lessius intellectus, quando docuit (de Perfect. divin. l. XII. c. 13. n. 85.), corpus Christi in coelo esse instar hostiae *vivae* et immolandae, corpus et sanguinem sub speciebus esse victimam nunc immolatam; Suarez vicissim impugnans hanc doctrinam (disp. 75. sect. 1.) non aliud sibi vult, quam quod corpus Christi, quatenus existit in coelo in propria specie, non est terminus, circa quem versatur actio sacrificia.

In forma igitur respondetur. a) « In sacrificio requiritur victimam primum *ut terminus a quo*, et dein *ut terminus ad quem*, » *distinguo*: si victimam in formalis statu victimae non producitur, sed actio sacrificia versans circa victimam *ut terminum a quo*, inducit formalem statum victimae, *concedo*; si victimam in formalis statu victimae per-

replicationem aequivalenter producitur, ut in praesenti, *subdistinguo*: praesupponitur res offerenda, non tamen *ut terminus actionis sacrificiae, concedo*; praesupponitur formaliter *ut terminus actionis sacrificiae, nego*. b) « Erit res oblata sine re offerenda, » *distinguo*: res replicabitur formaliter *ut victimam*, quia actio versetur circa rem offerendam, prout praeeexistit in priori statu, *concedo*; erit res oblata, quin praesupponatur existens ante oblationem, *nego*. c) « *Terminus a quo* erit Christus *ut existens in coelo*, » *distinguo*: Christus in coelo existens praesupponitur, non tamen *ut terminus actionis sacrificiae, concedo*; Christus in coelo erit formalis terminus *a quo*, circa quem versatur actio sacrificia, *nego*.

Quinta obiectio est, quam nostris lectionibus manu scriptis needum editis opposuit theologus superius commemoratus sane miram. Ait, ex hac declaratione sacrificii eucharistici consequens fore, quod Christus adhuc nunc in singulis oblationibus sacrificii ineruenti mereretur. Ignoro equidem, unde haec difficultas in mentem venire potuerit illi, qui legit etiam nostras declarationes (in superiori thesi XIII. et in tract. de Incarnat. th. XLIV. LI.); nec intelligo, cur huic obiectio obnoxia videri debeat magis nostra, quam alia quaecumque declaratio de ratione formalis veri et proprii sacrificii Christi Domini in altari. Sensum aliquam habet obiectio solummodo contra sententiam, qua dicitur ipse Christus summus sacerdos non solum remote via institutionis, sed proxime sacrificium in altari (ut offerens principalis) iugiter offerre; atque ita tum contra Christi actualem interpellationem pro nobis in coelo, tum contra proximam et immediatam oblationem summi sacerdotis in altari. Vasquez (de Euch. disp. 225.) difficultatem hanc urgebat nominatim oppugnans doctrinam Suarezii (de Euch. disp. 77. sect. 1). Nos tum de actuali interpellatione in coelo tum de immediata oblatione sacrificii eucharistici per Christum sequimur quidem Suarezii et aliorum theologorum sententiam, sed ea ad praesentem quaestionem de interna propria ratione sacrificii oblati seu victimae nihil pertinet.

Explicatio enim rationis internae sacrificii, de qua agimus, non repetitur *ex actione Christi*, quam nunc adhuc

exerceat in oblatione sacrificii; sed ex *statu victimae*, in quo ponitur corpus et sanguis Christi, quaecumque sit actio, per quam in hoc statu et modo existendi constituta. Salva omnino tota nostra explicatione (quoad propriam formam sacrificii) posset aliquis statuere cum Card. Cienfuegos, eundem numero actum, quo Christus in ultima coena obtulit et instituit sacrificium perenne, nunc in singulis oblationibus efficacem esse. Quod sane sensu aliquo est certissimum (cf. th. XV. p. 385. in nota). « Quemadmodum vox illa: crescere et multiplicamini, semel quidem prolata est, pro omni vero tempore naturae nostrae vim praebet ad generationem; ita et haec vox (hoc est corpus meum) semel prolata, in Ecclesiis ad unamquamque mensam, ab illo tempore usque ad praesens et usque ad adventum eius, sacrificium operatur et perficit » Chrysost. hom. I. de prod. Iud. n. 6. Si itaque quaestio esset de *actione* sacrificiali Christi summi sacerdotis, et cur in ea nunc non sit novum meritum; posset quispiam uti hac doctrina. Verum cum nobis persuasum omnino sit tum de *actuali* interpellatione Christi pro nobis in coelo (tract. de Incarnat. th. LI.), tum de sacerdotali actu *immediato* sacerdotis in aeternum secundum ordinem Melchisedech ad sacrificium perenne, tum de aliis pluribus actibus humanis liberis Christi Dei hominis in statu gloriae ad dexteram Patris, sicut etiam de actibus multis liberis beatorum comprehensorum; illa doctrina verissima de efficacia perpetua actus sacerdotalis, quo Eucharistiae sacrificium est institutum, non potest sufficere ad explicationem, cur nec Christi capitis nec beatorum membrorum eius sit, aut in praesenti ordine esse possit ullum novum meritum. Ratio videlicet huius mysterii non est, quod in Christi Domini actibus (humanis) non sit infinita dignitas insita, aut quod in iis omnibus sive libertas sive aliae intestinae conditiones meriti (in actu primo) desint. Sed ratio adaequata est, quia iam non est in *statu viatoris*. Quoniam scilicet iuxta divinam ordinationem totum meritum infinitum in relatione ad omnia praemia est consummatum in morte crucis; ideo ad plenitudinem iam nullum potest accedere incrementum (i. e. nullum novum opus ordinatum ad retributionem et ad praemium); quamvis ipsum

meritum in cruce consummatum sit adhuc singulis applicandum per media a Christo ipso instituta, atque nominatim per sacramenta et per iuge sacrificium. Lege eximum Suarez de Incarnat. disp. 39. sect. 1. 3; de Gratia l. XII. cc. 15. 17.

Sexta obiectio contra sententiam a nobis defensam peti
inde posset, quod ea admissa videretur sacrificium in con-
secratione unius tantum speciei aequi sibi constare ac in
consecratione utriusque, quod veriori doctrinae repugnat,
Responsio obvia est. Distingui nimur debet aptitudo, ut
aliquid institui possit in verum et proprium sacrificium,
et supposita aptitudine actualis institutio. Non ideo, quia
aliquid aptum est ad expressionem sacrificalem supremi
dominii Dei, iam etiam actu est sacrificium, praesertim in
hypothesi quod cultus divinus est positiva lege Dei ordi-
natus, et sacrificia itidem sunt per divinam institutionem
determinata. Huiusmodi enim institutio omnes alias actus
religiosos licet per se et in actu primo aptos ad significa-
tionem sacrificalem a ratione veri sacrificii excludit, de
qua re diximus in thesi II. n. I. Iam vero institutio huius
incruenti sacrificii a divino redemptore facta est ita, ut
ex intima sua forma et modo oblationis sacrificium sit re-
lativum ad sacrificium cruentum, et in consecratione dis-
tincta corporis ac sanguinis tamquam per effusionem my-
sticam repreäsentet effusionem realem in cruce, ut proba-
vimus th. XV. Unde concedimus, consecrationem etiam unius
speciei, qua praesens fiat Christus in statu sacramentali,
per se aptam esse, ut potuisse institui in verum et pro-
prium sacrificium; at iuxta praesentem institutionem nec
ratio sacrificii in se, nec effusio mystica sanguinis et repre-
sentatio sacrificii cruenti, quae huic sacrificio incruento es-
sentialis est, per consecrationem unius tantum speciei ab-
solvitur; adeoque per eam nec sacrificium relativum est
nec sacrificium in se, sed solum inchoatio sacrificii (1) (cf.
th. XV.).

(1) Fabula Raphaëlis Volaterrani ipsis verbis, quibus narratur, sese
prodit. Scribit ille. « Norvégiae Innocentii VIII. Pontificis concessione
sine vino calicem sacrificare, quod ob immensa frigora vinum in ea re-

Corollarium 1. Species panis et vini non sunt res, quae formaliter offeruntur in sacrificium, sed per quas et sub quibus oblatio corporis et sanguinis Christi fit *visible sacrificium*.

Substantia panis et vini pertinet ad hoc sacrificium ut terminus *a quo* desinens per actionem sacrificiam terminantem ad corpus et sanguinem Christi in statu victimae. Non ergo panis et vinum sunt res, quae Deo offeratur in sacrificium; sed sunt res quae desinit, ut victima divina constituantur sub iisdem speciebus. Ita de termino *a quo* intelligendi sunt Patres, quando docent, in Eucharistia primicias ex creaturis Deo offerri, ut Irenaeus l. IV. cc. 17. 18, et quando sacrificium appellant panem, qui a fidelibus offerebatur ad sacrificium a sacerdotibus perficiendum, ut Cyprianus de Opere et eleemosyn. p. 242. ed. Baluz. Cf. Bellarmin. l. V. c. 27; Ysambert. in 3. q. 83. disp. II. a. 10.

Corollarium 2. Ex propria ratione huius sacrificii, ut in hac thesi n. II. declarata est, consequitur, illud intrinsecus ordinem includere ad participationem victimae; ideoque secundum typum sacrificiorum pacificorum veteris testamenti ita esse institutum a Christo redemptore, ut, licet essentia sacrificii perficiatur in ipsa consecratione, participatio tamen victimae per sacerdotem offerentem pertineat ad sacrificii integratem. Hanc doctrinam egregie confirmat canon V. Concilii Toletani XII. ann. 681. ubi reprehenduntur sacerdotes, qui quoties celebrant sacrificium, non toties de sacrificio participant: « quasi non sit toties illi vero et singulari sacrificio participandum, quoties corporis et sanguinis Domini Nostri Iesu Christi immolatio facta constiterit... Nam quale erit illud sacrificium, cui nec ipse sacrificans particeps esse cognoscitur? »

Inde porro, quod *participatio sacerdotis* pertinet ad complendam integratem sacrificii, ulterius intelligitur, *a) eam* numquam licite omitti, et in casu necessitatis ab alio sacerdote esse perficiendam; *b) ad servandam unitatem vi-*

gione importatum acescat » Volaterr. Geographiae l. VII. p. 80. Amplissime pro sua praeclara eruditione hanc rem explicuit cl. Aloysius Triepi in libro inscripto « Religione e Storia » Roma 1872.

sibilis sacrificii in sua essentia et in sua parte integrante communionem sacerdotis requiri sub iisdem numero symbolis, sub quibus facta est consecratio; *c) Missam* praesanctificatorum, quae in Ecclesia latina die parvaeves, in Ecclesia orientali in quadragesima quotidie, exceptis Sabbatis et Dominicis celebratur, posse considerari tamquam continuationem et consummationem sacrificii diei praecedentis. Qua quidem ratione satis explicantur formulae liturgicae in ea Missa occurrentes, quin opus sit ex eis cum nonnullis theologis inferre, essentiam sacrificii in communione sacerdotis vel praecipue vel aequa ac in consecratione constitutam esse.

Corollarium 3. Sacrificium non est tantum res oblata seu victimam per se spectata, nec actio offerendi abstracte sumpta; sed est in concreto victimam, quatenus actione sacrificia offertur. Hoc sensu concreto *quale* sit sacrificium ($\tau\alpha\piοιον$), magis desumitur a re oblata et ab ordine sacerdotii destinati ad offerendum sacrificium (Heb. VIII. 3. 4; X. 23. etc.), quam a modo actionis sacrificiae. Unde propter numericam identitatem victimae et sacerdotis principaliter offerentis in sacrificio crucis et in sacrificio Eucharistiae, affirmandum est, utrumque *simpliciter* esse *idem (specie) sacrificium*; diversum vero dici debet non nisi cum addita restrictione et *secundum quid*. Est enim diversitas *a) in modo offerendi* seu in actione sacrificia, quae non solum numero sed specie differt in sacrificio cruento et incruento. Vide Chrysost. in Heb. hom. 17; Conc. Trid. sess. XXII. cap. 2. *b) Est diversitas visibiliter offerentis.* *c) Est diversitas finis et effectus*, cum in priori sit meritum et satisfactio Christi sacerdotis ad consummandam redemptionem, in altero non sit novum meritum et nova satisfactio principalis offerentis, sed meriti et satisfactionis iam completae applicatio; quae tamen habitudo considerata sub alio et alio respectu exhibet unitatem vel diversitatem in utroque sacrificio. *d) Potest considerari diversitas mutuae relationis*, cum unum sit prototypon, alterum ectypon, unum absolutum quod nullius alterius sacrificii est signum et representatio, sed immo est significatum et representatum per omnia alia sacrificia, alterum vero sit relativum et representatio prioris.

Si ulterius sacrificium Missae, quod a sacerdotibus ministris Christi offertur, comparetur cum sacrificio a Christo personaliter in ultima coena oblato, utrumque est *idem specie* non solum ratione victimae, sed etiam ratione actionis sacrificeae et modi offerendi: «*hoc facite in meam commemorationem.*» Nihilominus sunt inter utrumque discrimina aliqua accidentalia, non solum temporis, loci, ceremoniarum, sed etiam est diversitas ex parte visibilis sacerdotis, ex parte meriti in principaliter offerente, ex parte victimae quae in uno erat adhuc mortalis, in altero iam est immortalis, et ex parte mysticae significationis. De reliquis commemoratis differentiis iam diximus in superioribus, vel res per se clara est; quoad significationem vero tum in ultima coena tum quotidie in altari sacrificium realiter repraesentat mortem Christi et sacrificium cruentum, in se quidem et ex formaliter significatione abstrahendo a tempore mortis adhuc futurae vel iam praeteritae. Nihilominus terminus repraesentationis in sacrificio perenni est aliquid praeteritum; sacrificium autem in ultima coena, si consideratur pro tempore, pro quo instituebatur perpetuo celebrandum, referebatur quidem ad terminum praeteritum (sacrificium *commemorativum*), sed in tali consideratione non tam sacrificium tunc oblatum in coena, quam potius omnia sacrificia celebranda post mortem Christi spectantur; si vero praecise spectetur pro tempore, quo offerebatur, terminus repraesentatus erat adhuc aliquid futurum. Haec porro omnia discrimina esse plane accidentalia, quae ipsam essentiam ac qualitatem sacrificii non afficiunt, facile patet; adeoque omnino idem specie sacrificium offertur quotidie in altaribus, quod offerebatur in coena.

Postremo si quaeritur de distinctione *numerica* sacrificiorum ($\tau\alpha \pi\sigma\sigma\omega$), ea potius desumitur ab actionis sacrificiae quam a victimarum et sacerdotii distinctione. Hinc non modo sacrificium crucis, coenae, altaris, sed etiam sacrificia quotidiana in altari *simpliciter numero plura* et distincta dici debent, *unum vero numero solum* est dicendum cum addita declaratione, videlicet ratione victimae et sacerdotis principaliter offerentis. Cf. Suarez disp. 76. sect. 1.

Quae sunt reliqua ad sacrificium novi testamenti spe-

ctantia, ea ad theologiam pertinent vel moralem vel liturgicam, vel ad theoriam et (quod est maximum) ad praxim asceticam, ut sit tota vita nostra, ut simus nos ipsi continuum sacrificium pro Christo, qui se perenni sacrificio pro nobis et nos sua membra in se ipso capite offert Deo Patri. « Quomodo enim Deo externum et visibile hoc sacrificium offerre audebimus magnorum mysteriorum antitypum, nisi magno et Deo et sacrificio et sacerdote Christo nos dignos effecerimus, exhibendo nos ipsos hostiam vivam, sanctam, rationabile obsequium?... qui quotidie cum angelis stamus, cum archangelis glorificamus, ad supernum altare sacrificia transmittimus, sub Christo sacerdotio fungimur, Dei imaginem in hominibus reparamus, pro superno mundo structores sumus » Gregor. Naz. or. 2. apol. al. 1. n. 73. 95. Ad fovendam devotionem tantepere in adorando hoc mysterio necessariam iuvabit legisse Cardinalis Bona tractatum asceticum de Sacrificio Missae inter alios multos libros refertos solida doctrina et pietatis documentis, quibus firmandis et illustrandis ut hic noster tractatus dogmaticus aliquid conferat, a Deo salvatore nostro, magno sacerdote et victima perenni spero et rogo in omnibus et pro omnibus per intercessionem Virginis Matris Filii Dei, qui consummatus, factus est omnibus obtemperantibus sibi causa salutis aeternae, appellatus a Deo pontifex iuxta ordinem Melchisedech (Heb. V. 9.).